

增修萬縣志卷四

地理志

山川

大江灘險

山川國之望也出雲降雨蕃殖百物而降神載英人材出焉全蜀山川雄傑萬近夔門羣峭爭奇遙引巫峯長江至此眾流盡會洵足分挺岷峨之秀同炳江漢之靈矣

都歷山 在縣北三里方輿紀要一峯插天突出眾山之上崿崦爲平阜氣象融結爲縣之主山舊志又

萬縣志

卷四

地理志

山川

一

號文筆山

南山 在縣南隔江三里下瞰大江卽縣之對山也疊翠如屏亦名南屏山下有岑公巖亦名岑公洞洞中二石如纍碁屹立撐拄是鍾乳所成其下有石臺洞門瀑布十餘丈自懸巖飛下淙潺不絕下注溪澗方輿勝覽在大江之南廣六十餘丈深四十餘丈石巖盤結如華蓋左爲方池泉湧出巖際盛夏注水如簾松篁藤蘿鬱葱蒼翠眞神仙窟宅舊省志在大江南岸唐岑公隱於此中有石狀如芝名曰石芝又有

泉曰灌芝泉

西山 在縣西三里又名太白巖名勝志西山去縣城三里有絕塵龕三字及唐人詩刻相傳太白讀書於此巖下有池宋郡守馬元穎魯有開所鑿植以芙蓉荔枝果凡三百本宋黃庭堅西山留題西山者蓋郡西渡大壑稍陟山半乃竹柏蒼翳之門水泉瀦爲大湖亭榭環之此邦之人歲修禊事於此凡夔州一道東望巫峽西盡郿鄠林泉之勝莫與南浦爭長者也

全載藝文

萬縣志

卷四

地理志

山川

二

天城山 在縣西五里四面峭立如堵惟西北一徑可登一名天生城相傳漢昭烈曾駐兵於此卽華陽國志所云小石城山也共有元至正十三年總管王師能天城石壁記云萬在江北城號天生昔昭烈上控蜀漢下窺三峽於此乎插劍蓋荆蜀之要會也紀勝云天城山三面峻壁惟山後長延一脊容徑尺許累石爲門俗亦謂之天子城以昭烈名也

石佛山 在縣北五里形如佛像

獅子山 在縣北八里形如狻猊四面絕險惟鼻尖

可登

魚存山 在縣西十里上銳下廣巖面有石形如雙
鯉一作魚存山楊慎笥箋瓠筆存寂見切說文存以
柴木壅水也江賦存澱爲沔夾眾羅筌皆取魚之具
黑象山 在縣東十五里關鎖水口其形如象
人存山 在縣西北十五里四面懸巖週圍四十里
一名萬戶山

椅城山 在縣西北二十里壁如城形如椅

高梁山 在縣北四十里與梁山接界寰宇記南浦

萬縣志

卷四

地理志 山川

三

縣高梁大山在縣治北四十里尋江源記高梁山尾
東跨江西首劍閣東西數千里山嶺長峻其峯崔嵬
於蜀市望之若長雲垂天一日行之乃極其頂俯視
眾山泯若平原劍閣銘所謂巖巖梁山積石峩峩卽
述此山也又寰宇記梁山縣卽魚泉縣地周天和二
年於此置梁山縣蓋以界內高梁山爲縣名又記大
劍山亦曰梁山山海經高梁之山西接岷峨東引荆
衡

愚按魚泉卽南浦而梁山亦魚泉地故寰宇記謂梁

山縣以界內高梁山得名而高梁仍記於南浦今萬縣西北二十五里高梁鋪亦以山得名梁萬本一山也此山東跨江遶梁墊而西縣亘不絕起於劍門寰宇尋江源記非妄或疑首劍閣言虛者臆說也
羊耳山 在縣南市郭里連亘五山高十餘里惟羊耳最秀峯具三稜縣治及文昌宮俱向焉
鐵鳳山 在縣北四十里崇岡絕壁其形如鳳山上舊有道觀右有鉄邱舊志碑碣殘斷者多一古碑字有可讀者云三月三日士女會者數萬

萬縣志

卷四

地理志 山川

四

愚按此山在縣中上至分水嶺下至小江縣亘數百里爲北岸諸山祖蓋卽高梁山之絕頂也

金鳳山 自鐵鳳山蜿蜒而來一峯挺特壁立千仞白雲深處有元天觀古刹憑闌四望九接鐵鳳數百峯無不一覽而盡香爐石結於前山之脊聯以羣峭爭相擁護山麓一峯其秀如筆此下廓然平坦見大江焉

下崖 在縣東二里與古練崖並擅幽勝相傳唐末有劉道微者鑿龕以居省志按下崖本在雲陽縣西

唐宋紀游諸作皆作雲安下崖而夔州志則載入萬縣范成大吳船錄甲寅發萬州六十里至開江口水自開達來合大江四十里至下崖四十里至雲安軍萬州詩云晨炊維下崖晚酌艤南浦萬縣故南浦郡治則謂下崖之去萬州二里者誤也又按萬縣南岑公崖有寺曰下崖得毋因是而譌耶

按范石湖吳船錄所紀順流東下其詩在萬州作於雲安無與也若謂晨炊維下崖爲雲陽之下崖距萬州百里則晚酌南浦轉似沂流而上矣縣南下崖與萬州祇隔一江蓋晨已維舟下崖於此邦流連竟口至晚猶艤南浦酌酒賦詩也

千金島 在縣南二里寰宇記在南浦縣南三里屹立江心石高數丈廣百步省志士人每淘金於此亦名黃金島

古練崖 在縣西十里傍有治平寺舊志崖有隋寶像記

磁洞 在縣南四十里產石色黑性堅可作硯

萬輔山 在縣東十三里

羊飛山 在縣西南五十里蜀鑑三國時羊渠縣蓋置於山下省志郡志所載並同

石笋山 在縣西北八十五里寰宇記石笋山在武甯縣東北三十五里其狀如笋

木樨山 在縣西一百里一名水樨山省志昔大禹治水過此見眾山漂沒惟此山木樨不動故名山頂有池隨大江水漲增減舊有道觀寰宇記木樨山在武甯縣東南十三里山頂有池冬夏可驗其淺深隨大江水漲增減郡志同

萬縣志

卷四

地理志

山川

六

金磧山 在縣西一百三十里寰宇記在武甯縣西南十五里

康腦山 在縣西九十餘里上接馬鬃嶺下連黑硎溝東扼龍門寨西望佛印山亦奇境也嘉慶四年德叅贊殲賊於此因更名得勝坡邑貢生王繼掄有黑硎溝記載藝文

龍寶山 在縣南十五里凌空聳峙如珠在頂歷建道觀於其上巖腰石骨突出如龍首矯然尾見於石懸壁千仞非人力可爲亦奇觀也

香爐山 在縣南市郭里二甲甲內三面皆山獨缺北面此山突起高數百丈適當其缺望之若香爐云螺髻山 在縣南大坪汛西青石層疊高數十百丈如螺髻然山冢平坦可容千人正中石笋高二丈有奇頂寬半之如簪髻然聳出雲霄無遠弗見明萬厯時上下有寺皆梯木緣鐵索而上崇禎末土人藉以避亂

川洞山 在縣南市郭里清水塘西環繞巉巖百千丈結形如鑪鑪之右山腰突開石洞如圓鏡洞壁見

萬縣志

卷四

地理志

山川

七

巨人足葫蘆形漸進漸潤中有泉而甘其洞直穿山左又如兩月對照俗呼穿洞印月石人峯 一在縣南龍寶山後巨石高據山領如人騎龍背前列石鼓一在縣西灤驛西山聳峙數十丈如人立巖間面山亦一石鼓相對一在縣東紅沙磧對山石人寺如人坐石上華蓋覆頂面山亦一石鼓墜於土猶宛然天峯山 在縣南八十里山上有石如雞故俗名雞公山旁有鳳凰頭天生井諸勝

帽盒山 在縣西南岸一百五十里以中峯形似名
山勢參天雲橫半嶺岡峻壁峭三面削成一面連石
柱界高十有五里登臨矚目層巒環拱頗有一覽眾
山小之概上有石鑿痕相傳爲明季秦良玉立幟設
疑兵遺跡

黃蘆山 在縣西一百二十里接忠州界

大江 在縣南關外水經江水又東逕臨江縣南江
水又東得黃華水口左逕石城南又東至平洲又東
逕灤塗而歷和灘又東逕界壇江水又東右得將龜

萬縣志

卷四

地理志

山川

八

谿口江水又東南會北集渠江水又右逕池溪口江
水又東逕石龍又東逕羊腸虎臂灘江水又東彭水
注之江水又東右逕胸忍縣故城南酈注臨江至石
城黃華口一百里界壇注是地巴東之西界益州之
東境故得是名也將龜谿注華陽記曰胸忍縣出靈
龜咸熙元年獻龜於相府言出此谿也方輿勝覽大
江卽岷江也在萬州東其左有二石穴名天倉地倉
地倉滿則豐天倉滿則歉寰宇記岷江在縣東三十
步自成都而來下入雲安縣界

盤龍磧 在縣西古曰石龍水經江水又東逕石龍注水至於博陽二村之間有盤石廣四百丈長六里而復殆於阻塞江川夏沒冬出基亘通渚

蛾眉磧 在縣南對江岸側水落石出磧形如眉多細石色斑可以遊戲萬州圖經云正月七日鄉市士女渡江南蛾眉磧上作雞子卜擊小鼓唱竹枝歌方輿勝覽郡守趙公有詩序列蛾眉磧爲萬州八景

苾溪 自縣西梁山縣界分水舖流入經獅子山下折流十二灣至城西復南流入江以溪旁土肥種苾

萬縣志

卷四

地理志

山川

九

故名卽古池溪水經右逕池溪口注江汜決入也舊省志春夏漲潦則並舟爲筏以百丈苾繩雙拽而渡方輿紀要溪之上流有天生巨石成橋長與溪等如履平地溪流出共下注於大江

彭溪 在縣東自開縣流入又南入江水經江水又東彭水注之注水出巴渠郡獠中東南流逕漢豐縣東清水注之又逕胸忍縣西六十里南流入於江謂之彭溪口夔州志在萬縣東六十里接雲陽縣界亦曰開江又曰小江

雙渠 寰宇記在武甯縣東十里灘心有石泉分爲二狀如雙渠

南集渠 在縣西水經注出涪陵縣界謂之于陽谿北流逕巴東郡之南浦僑縣西谿夾側鹽井三口相去各數十步以木爲桶徑五尺燒煮不絕谿水北流注於江謂之南集渠口亦曰于陽谿口

北集渠 在縣西水經注北水出新浦縣北高梁山分谿南流逕其縣西又南一百里入胸忍縣南入於江謂之北集渠口別名班口又曰分水口胸忍尉治

萬縣志

卷四

地理志

山川

十

此

龍池 在縣東二十里九域志萬州南浦有龍女泉水旱禱祠有應

包泉 在縣西山泉水清冽宋元符間刺史方澤爲銘以其品味與惠泉相上下

石龍洞 在縣西南六十里洞凡五層初層明敞次層石梗橫阻遂冥晦炬入歷數級始登其上平坦若臺行數武循級下至三層深澗莫測旁通線徑逾石關入四層徑愈陂側再逾石關至五層深潭汪濊

水作澄碧色土人言每日潮汐三次五六日必盛潮湧泛謂之洗洞水氣倍腥當有神物潛其中每歲早鄉民祈禱輒應道光十九年己亥夏久不雨訓導龔珪躬詣誠祈並以虎頭縋置潭中祝甫焚水輒沸薄暮小雨簾纖夜半甘澍渥降歲獲豐稔珪有詩紀其事載藝文

乾龍洞 距石龍洞數里洞中奇景甚多相傳洞原有泉以龍徙於石龍洞遂涸

灤溪 經灤塗驛曲折東注漲則連大江爲一秋深
萬縣志 地理志 山川 十一
水落流迴一綫鷺飛數行足供觀眺

送客堆 在灤驛大江中相傳昔賢送客止此深蘊水落石出土人呼爲石龍過江

石筍河 在縣南清水塘西河中有石如筍高十數尋筍尖綠樹叢生如華蓋俗呼石柱擎天

大石洞 在縣大周里古北墻下有三溪焉至郎家壩合流山水會之迤邐迎送南注二十餘里兩岸忽開環抱灘水濶數十百丈深數尋灘心大石屹立高數丈善沒者探其下三足鼎峙如瞿唐灩澦云

白水谿 在治西三十里江南瀼渡白水谿米船日
運縣城十數日不至則米價昂

黃柏溪 在縣東九十里江南

石磴溪 在縣西一百二十里江南兩山合抱溪廣
三五丈中有石磴闊丈餘故名

藏龍洞 在縣西南一百五十里大山之腰煙蘿雲
樹迷鎖洞外內可容百餘人其上滴溜凝結人物鳥
獸狀極精緻如人工刻成者有一石門內黑居民每
盛夏祈雨必多執火由此門進路紆迴約里許忽廓

萬縣志

卷四

地理志

山川

十二

如堂室石柱中立高丈餘亦滴溜成者由前有潭一
泓其深莫測清澈可愛祈雨者必於此取水一瓶再
前徑窄雖好事者莫能窮也藏龍洞山下有出水洞
焉僅丈餘水極清雖久旱不涸每夏欲雨泉水泛溢
聲聞數里洞外皆白石土人呼爲龍骨百餘步外平
地湧泉十數處水極寒徹骨迤邐三十里由忠州水
磨溪入大江

散水溪 在縣西南一百一十五里江南溪濶五六
丈入江水勢散亂有如濺珠故名

大江灘險

石鼓峽灘 與忠州交界小水次險大水無險

雙魚子灘 大水次險小水無險

磨刀灘 大水次險小水無險

黑虎磧 又名大石盤灘小水次險大水無險

大湖灘 大水極險小水次險省志湖灘在縣西六

十里水勢險急春夏泛溢江面如湖宋查籥有詩載

藝文其下為小湖灘

窄小子灘 小水次險大水無險

萬縣志 卷四 地理志 大江灘險 十二

席佛面灘 大水次險小水無險舊志名媳婦面一

作息沸面

明鏡灘 大水次險小水無險

黃泥灘 大水次險小水無險

高桅子灘 小水次險大水無險

猴子石灘 大水次險小水無險

徐那灘 與雲陽縣交界小水次險大水無險

以上十二灘均經報部有案俱載郡志

使君灘 水經又東逕羊腸虎□□注楊亮為益州

至此舟覆懲其波□蜀人至今猶名之爲使君灘寰
字記在州東二里大江中昔楊亮赴任益州行船至
此覆故名之峽程記又名使君主簿灘

新婦灘 寰字記東南岸十里崖石上有婦人容狀
故名或疑卽媳婦面然東西異方非是

乾隆二年設救生船四隻一湖灘一窄小子一雙魚
子一媳婦面每隻僦夫水手六名每名月給工食銀
六錢共歲給工食銀一百七十二兩八錢赴鹽道衙
門請領按季支給過閩加增今在地丁銀內扣留